



ԳՆՈՒՄՆԵՐԻ ԲՈՂՈՔԱՐԿՄԱՆ ԽՈՐՀՈՒՐԴ

ք. Երևան

18.05.2017թ.

Ո Ր Ո Շ ՈՒ Մ

ՀՀ գնումների բողոքարկման խորհրդի թիվ ՍՑ-10/17

ՀՀ գնումների բողոքարկման խորհրդի (այսուհետ նաև՝ Խորհուրդ) ՍՑ-10/17 բողոքը քննող հանձնաժողովը՝ գործելով Խորհրդի անունից, քննելով ՀՀ ֆինանսների նախարարության 22.07.2016թ. թիվ 1/73-3/18920-16, 05.08.2016թ. թիվ 1/73-3/19819-16, «Հայկական ատոմային էլեկտրակայան» ՓԲԸ-ի 18.07.2016թ. թիվ 40-1353 և «Բարձրավոլտ էլեկտրաջանցեր» ՓԲԸ-ի 08.07.2016թ. թիվ 13-01/1034, 14.04.2016թ. թիվ 13-01/1079, 28.07.2016թ. թիվ 13-01/1150 գրություններով ներկայացված «Գախել լին» ՍՊԸ-ին (ՀՎՀՀ 08910143) գնումների գործընթացին մասնակցելու իրավունք չունեցող մասնակիցների ցուցակում ներառելու պաշտոնական ընթացակարգով նախաձեռնված բողոքը (այսուհետ նաև՝ ՍՑ-10/17 բողոք), պարզեց հետևյալը.

1. ՀՀ ֆինանսների նախարարության ներկայացրած փաստերը և պահանջը

ՀՀ ֆինանսների նախարարությունը, 22.07.2016թ. թիվ 1/73-3/18920-16 և 05.08.2016թ. թիվ 1/73-3/19819-16 գրություններով, դիմել է «Գնումների աջակցման կենտրոն» ՊՈԱԿ-ին (այսուհետ նաև՝ Կենտրոն)՝ խնդրելով ուսումնասիրել «Գախել լին»

ՍՊԸ-ին գնումների գործընթացին մասնակցելու իրավունք չունեցող մասնակիցների ցուցակում (այսուհետ՝ Ցուցակ) ներառելու հիմքերը և այդպիսի հիմքերի առկայության դեպքում ձեռնարկել անհրաժեշտ միջոցներ Ընկերությանը Ցուցակում ներառելու համար:

Վերոհիշյալ գրություններով ՀՀ ֆինանսների նախարարությունը Կենտրոնին է ներկայացրել «Հայկական ատոմային էլեկտրակայան» ՓԲԸ-ի 18.07.2016թ. թիվ 40-1353 և «Բարձրավոլտ էլեկտրաջանցեր» ՓԲԸ-ի 08.07.2016թ. թիվ 13-01/1034, 14.04.2016թ. թիվ 13-01/1079, 28.07.2016թ. թիվ 13-01/1150 գրությունները և կից փաստաթղթերի պատճենները:

2. «Գախելի» ՍՊԸ-ի ներկայացրած փաստարկները և դիրքորոշումը

«Գնումների աջակցման կենտրոն» ՊՈԱԿ-ը կարծիք ստանալու նպատակով 29.07.2016թ. և 15.08.2016թ. գրություններով դիմել է «Գախելի» ՍՊԸ-ին:

«Գախելի» ՍՊԸ-ն գրություններին չի պատասխանել և գնումների գործընթացին մասնակցելու իրավունք չունեցող մասնակիցների ցուցակում ներառելու պաշտոնական ընթացակարգով նախաձեռնված ՍՑ-10/17 բողոքի վերաբերյալ չի հայտնել որևէ դիրքորոշում:

3. «Հայկական ատոմային էլեկտրակայան» ՓԲԸ-ի կողմից կազմակերպված «ՀԱԷԿ-ՊԸԱՇՁԲ-17/16» ծածկագրով գնման ընթացակարգ

«Հայկական ատոմային էլեկտրակայան» ՓԲԸ-ի 18.07.2016թ. թիվ 40-1353 գրությամբ ՀՀ ֆինանսների նախարարությանն է ներկայացրել «ՀԱԷԿ-ՊԸԱՇՁԲ-17/16» ծածկագրով գնման ընթացակարգին վերաբերող բոլոր անհրաժեշտ փաստաթղթերի պատճենները:

Միևնույն ժամանակ, Պատվիրատուն վերոհիշյալ գրությամբ հայտնել է, որ Կարգի 47-րդ կետի 1-ին ենթակետով նախատեսված տվյալների ճշտման նպատակով վերջինս հարցում է կատարել ՀՀ ֆինանսների նախարարության, որին ի պատասխան՝

ստացվել է եզրակացություն, ըստ որի՝ հայտը ներկայացնելու նախորդող հաշվետու տարվա ընթացքում «Գախելշին» ՍՊԸ-ի պարտավորությունների հաշվեկշռային արժեքը (321,819,133 ՀՀ դրամ) գերազանցում են ակտիվների հաշվեկշռային արժեքը (311,446,309 ՀՀ դրամ), մինչդեռ 06.07.2016թ. ներկայացրած «ՀԱԷԿ-ՊԸԱՇՁԲ-17/16» ծածկագրով գնման ընթացակարգի մասնակցության հայտի թիվ 3.4 հավելվածով «Գախելշին» ՍՊԸ-ն հայտնել և հավաստել է, որ հաշվետու տարվա ընթացքում պարտավորությունների հաշվեկշռային արժեքը չի գերազանցում ակտիվների հաշվեկշռային արժեքը:

4. «Բարձրավոլտ էլեկտրացանցեր» ՓԲԸ-ի կողմից կազմակերպված «ԲԷՑ-ՊԸԱՇՁԲ-15/23» ծածկագրով գնման ընթացակարգ

«Բարձրավոլտ էլեկտրացանցեր» ՓԲԸ-ի 08.07.2016թ. թիվ 13-01/1034, 14.04.2016թ. թիվ 13-01/1079, 28.07.2016թ. թիվ 13-01/1150 գրություններով ՀՀ ֆինանսների նախարարությանն է ներկայացրել «ԲԷՑ-ՊԸԱՇՁԲ-15/23» ծածկագրով գնման ընթացակարգին վերաբերող բոլոր անհրաժեշտ փաստաթղթերի պատճենները:

Կարգի 47-րդ կետի 1-ին ենթակետով նախատեսված տվյալների ճշտման նպատակով վերջինս հարցում է կատարել ՀՀ ֆինանսների նախարարություն, որին ի պատասխան ստացվել է եզրակացություն, ըստ որի՝ «Գախելշին» ՍՊԸ-ն հայտը ներկայացնելու ներկայացնելու օրվա դրությամբ (29.06.2016թ.) ՀՀ պետական բյուջեի նկատմամբ ունի ժամկետանց հարկային պարտավորություն 654,184 ՀՀ դրամի չափով:

5. ՍՑ-10/17 պաշտոնական ընթացակարգով նախաձեռնած բողոքի քննության համար էական նշանակություն ունեցող փաստերը

ՀՀ ֆինանսների նախարարության 22.07.2016թ. թիվ 1/73-3/18920-16 և 05.08.2016թ. թիվ 1/73-3/19819-16 գրություններով ներկայացված «Գախելշին» ՍՊԸ-ին գնումների գործընթացին մասնակցելու իրավունք չունեցող մասնակիցների ցուցակում

ներառելու պաշտոնական ընթացակարգով նախաձեռնած բողոքի քննության համար էական նշանակություն ունեն հետևյալ փաստերը՝

1. «Հայկական ատոմային էլեկտրակայան» ՓԲԸ-ի կողմից կազմակերպված «ՀԱԷԿ-ՊԸԱՇՁԲ-17/16» ծածկագրով գնման ընթացակարգի վերաբերյալ

- «Հայկական ատոմային էլեկտրակայան» ՓԲԸ-ի կողմից կազմակերպված «ՀԱԷԿ-ՊԸԱՇՁԲ-17/16» ծածկագրով գնման ընթացակարգին (այսուհետ նաև՝ Ընթացակարգ 1) մասնակցելու նպատակով «Գախելշին» ՍՊԸ-ն **06.07.2016թ.** հայտ է ներկայացրել:

- Ընկերությունը հայտի N 3.4 հավելվածով՝ Ընթացակարգին մասնակցելու նպատակով հրավերով սահմանված մասնակցության իրավունքի պահանջներին իր տվյալների համապատասխանության մասին հայտարարությամբ, հայտնել և հավաստել է, որ **հայտը ներկայացվելու նախորդող հաշվետու տարվա ընթացքում պարտավորությունների հաշվեկշռային արժեքը չի գերազանցում ակտիվների հաշվեկշռային արժեքը:**

- «Հայկական ատոմային էլեկտրակայան» ՓԲԸ-ն, ՀՀ ֆինանսների նախարարությանը ուղղված ՀՀ կառավարության 10.02.2011թ. N 168-Ն որոշմամբ հաստատված «Գնումների գործընթացի կազմակերպման» կարգի 47-րդ կետի 1-ին ենթակետով նախատեսված տվյալների ճշտման մասին 06.07.2016թ. կատարված հարցմամբ, խնդրել է տրամադրել տեղեկատվություն «Գախելշին» ՍՊԸ-ի վերաբերյալ:

- Ի պատասխան վերոհիշյալ հարցմանը՝ ՀՀ ֆինանսների նախարարության կողմից «Հայկական ատոմային էլեկտրակայան» ՓԲԸ-ին 07.07.2016թ. տրամադրվել է եզրակացություն, համաձայն որի հայտը ներկայացնելու նախորդող հաշվետու տարվա ընթացքում «Գախելշին» ՍՊԸ-ի պարտավորությունների հաշվեկշռային արժեքը (321,819,133 ՀՀ դրամ) գերազանցում են ակտիվների հաշվեկշռային արժեքը (311,446,309 ՀՀ դրամ):

2. «Բարձրավոլտ էլեկտրաջանցեր» ՓԲԸ-ի կողմից կազմակերպված «ԲԷՑ-ՊԸԱՇՁԲ-15/23» ծածկագրով գնման ընթացակարգի վերաբերյալ

- «Բարձրավոլտ էլեկտրաջանցեր» ՓԲԸ-ի կողմից կազմակերպված «ԲԷՑ-ՊԸԱՇՁԲ-15/23» ծածկագրով գնման ընթացակարգին (այսուհետ նաև՝ Ընթացակարգ 2) մասնակցելու նպատակով «Գախելշին» ՍՊԸ-ն **29.06.2016թ.** հայտ է ներկայացրել:

- Ընկերությունը հայտի N 2 հավելվածով՝ Ընթացակարգին մասնակցելու նպատակով հրավերով սահմանված մասնակցության իրավունքի պահանջներին իր տվյալների համապատասխանության մասին հայտարարությամբ, հայտնել և հավաստել է, որ **հայտը ներկայացվելու օրվա դրությամբ չունի ժամկետանց հարկային պարտքեր Հայաստանի Հանրապետության հարկային և պարտադիր սոցիալական ապահովության վճարների գծով:**

- «Բարձրավոլտ էլեկտրացանցեր» ՓԲԸ-ն, ՀՀ ֆինանսների նախարարությանը ուղղված ՀՀ կառավարության 10.02.2011թ. N 168-Ն որոշմամբ հաստատված «Գնումների գործընթացի կազմակերպման» կարգի 47-րդ կետի 1-ին ենթակետով նախատեսված տվյալների ճշտման մասին կատարված հարցմամբ, խնդրել է տրամադրել տեղեկատվություն «Գախելշին» ՍՊԸ-ի վերաբերյալ:

- Ի պատասխան վերոհիշյալ հարցմանը՝ ՀՀ ֆինանսների նախարարության կողմից «Բարձրավոլտ էլեկտրացանցեր» ՓԲԸ-ին 01.07.2016թ. տրամադրվել է եզրակացություն, համաձայն որի «Գախելշին» ՍՊԸ-ն 2016թ. հուլիսի 29-ի դրությամբ (հայտը ներկայացնելու օրվա դրությամբ) ունեցել է ժամկետանց հարկային պարտավորություն՝ 654.184 ՀՀ դրամի չափով:

6. Խորհրդի հիմնավորումները և եզրահանգումը

«Գնումների մասին» ՀՀ օրենքի (այսուհետ նաև՝ Օրենք) 5-րդ հոդվածի 1-ին մասի 2-րդ կետի համաձայն՝ **գնումների ընթացակարգերին մասնակցելու իրավունք չունեն անձինք, որոնք ունեն ժամկետանց պարտքեր Հայաստանի Հանրապետության հարկային և պարտադիր սոցիալական ապահովության վճարների գծով:**

Նույն հոդվածի 1-ին մասի 4-րդ կետի «բ» ենթակետի համաձայն՝ մասնակիցն ընդգրկվում է գնումների գործընթացին մասնակցելու իրավունք չունեցող մասնակիցների ցուցակում, եթե հայտը ներկայացնելու պահին նախորդող տարվա ընթացքում **գնման գործընթացի շրջանակում ներկայացրել է կեղծ տվյալ:**

Օրենքի 48-րդ հոդվածի 6-րդ մասի 7-րդ կետի համաձայն՝ ՀՀ գնումների բողոքարկման խորհուրդն իրավունք ունի որոշում կայացնելու մասնակցին գնումների գործընթացին մասնակցության իրավունք չունեցող մասնակիցների ցուցակում ներառելու համար:

ՀՀ կառավարության 10.02.2011թ. N 168-Ն որոշմամբ հաստատված «Գնումների գործընթացի կազմակերպման» կարգի 35-րդ կետի 1-ին ենթակետի «բ» պարբերության համաձայն՝ մասնակիցը հայտով ներկայացնում է՝ իր կողմից հաստատված հայտարարություն՝ օրենքով նախատեսված մասնակցության իրավունքի և հրավերով սահմանված որակավորման չափանիշներին իր համապատասխանության մասին:

Կարգի 47-րդ կետի 1-ին ենթակետի համաձայն՝ հայտերի բացման նիստի ավարտին հաջորդող աշխատանքային օրը հանձնաժողովի քարտուղարն էլեկտրոնային եղանակով Հայաստանի Հանրապետության ֆինանսների նախարարություն հարցում է ներկայացնում առաջին և հաջորդաբար տեղ զբաղեցրած մասնակիցների՝ Հայաստանի Հանրապետության պետական բյուջեի նկատմամբ հայտը ներկայացնելու օրվա դրությամբ ժամկետանց հարկային պարտավորությունների, ինչպես նաև նույն կարգի 67-րդ կետով նախատեսված որակավորման պահանջի առկայության վերաբերյալ՝ ներկայացնելով հարկ վճարողի հաշվառման համարը:

Կարգի 48-րդ կետի համաձայն՝ Հայաստանի Հանրապետության ֆինանսների նախարարությունը նույն կարգի 47-րդ կետի 1-ին ենթակետով նախատեսված հարցումն ստանալու օրվան հաջորդող երկու աշխատանքային օրվա ընթացքում էլեկտրոնային եղանակով պատվիրատուին տրամադրում է հարցման մասին եզրակացություն: Նույն կետով սահմանված ժամկետում Հայաստանի Հանրապետության ֆինանսների նախարարությունից եզրակացության չստացման դեպքում մասնակցի ներկայացրած հայտարարությունը համարվում է իրականությանը համապատասխանող: Եթե տրամադրված եզրակացության արդյունքում մասնակցի ներկայացրած հայտարարությունները որակվում են իրականությանը չհամապատասխանող, ապա՝

1) հայտերի գնահատման արդյունքների հրապարակման նիստում հանձնաժողովի որոշմամբ տվյալ մասնակցի հայտը մերժվում է, և

2) այդ մասնակցի տվյալները գնման գործընթացին մասնակցելու իրավունք չունեցող մասնակիցների ցուցակում ներառելու գործընթաց նախաձեռնելու նպատակով ի հայտ եկած հանգամանքների մասին տեղեկությունները պատվիրատուի կողմից ուղարկվում են Հայաստանի Հանրապետության ֆինանսների նախարարություն՝ դրանց ի հայտ գալու օրվան հաջորդող երեք աշխատանքային օրվա ընթացքում:

Կարգի 67-րդ կետի 1-ին ենթակետի բ պարբերության համաձայն՝ Մասնակիցների՝ օրենքի 5-րդ հոդվածի 3-րդ մասի 4-րդ կետով նախատեսված՝ «Ֆինանսական միջոցներ» չափանիշը գնահատվում է հետևյալ կարգով՝

1) հրավերով պահանջվում է, որ Հայաստանի Հանրապետության ռեզիդենտ հանդիսացող մասնակիցը, բացառությամբ անհատ ձեռնարկատեր չհանդիսացող ֆիզիկական անձի, իր հայտով ներկայացնում է հայտարարություն այն մասին, որ իր կողմից հայտը ներկայացվելուն նախորդող՝

բ. հաշվետու տարվա ընթացքում պարտավորությունների հաշվեկշռային արժեքը չի գերազանցել ակտիվների հաշվեկշռային արժեքը.

1. «Բարձրավոլտ էլեկտրացանցեր» ՓԲԸ-ի կողմից կազմակերպված «ԲԷՑ-ՊԸԱՇՁԲ-15/23» ծածկագրով գնման ընթացակարգի վերաբերյալ

«Բարձրավոլտ էլեկտրացանցեր» ՓԲԸ-ի կողմից կազմակերպված «ԲԷՑ-ՊԸԱՇՁԲ-15/23» ծածկագրով գնման ընթացակարգին (այսուհետ նաև՝ Ընթացակարգ 1) մասնակցելու նպատակով «Գախելի» ՍՊԸ-ն **29.06.2016թ.** հայտ է ներկայացրել:

Ընկերությունը հայտի N 2 հավելվածով՝ Ընթացակարգին մասնակցելու նպատակով հրավերով սահմանված մասնակցության իրավունքի պահանջներին իր տվյալների համապատասխանության մասին հայտարարությամբ, հայտնել և հավաստել է, որ **հայտը ներկայացվելու օրվա դրությամբ չունի ժամկետանց հարկային պարտքեր Հայաստանի Հանրապետության հարկային և պարտադիր սոցիալական ապահովության վճարների գծով:**

«Բարձրավոլտ էլեկտրացանցեր» ՓԲԸ-ն, ՀՀ ֆինանսների նախարարությանը ուղղված ՀՀ կառավարության 10.02.2011թ. N 168-Ն որոշմամբ հաստատված «Գնումների գործընթացի կազմակերպման» կարգի 47-րդ կետի 1-ին ենթակետով

նախատեսված տվյալների ճշտման մասին կատարված հարցմամբ, խնդրել է տրամադրել տեղեկատվություն «Գախելիին» ՍՊԸ-ի վերաբերյալ:

Ի պատասխան վերոհիշյալ հարցմանը՝ ՀՀ ֆինանսների նախարարության կողմից «Բարձրավոլտ էլեկտրացանցեր» ՓԲԸ-ին 01.07.2016թ. տրամադրվել է եզրակացություն, համաձայն որի «Գախելիին» ՍՊԸ-ն 2016թ. հուլիսի 29-ի դրությամբ (հայտը ներկայացնելու օրվա դրությամբ) ունեցել է ժամկետանց հարկային պարտավորություն՝ 654.184 ՀՀ դրամի չափով:

Այսպիսով, Խորհուրդը գտնում է, որ «Գախելիին» ՍՊԸ-ի կողմից «Բարձրավոլտ էլեկտրացանցեր» ՓԲԸ-ի կողմից կազմակերպված «ԲԷՑ-ՊԸԱՇՁԲ-15/23» ծածկագրով գնման ընթացակարգի շրջանակներում 29.06.2016թ. ներկայացրած հայտի N 2 հավելվածով ներկայացված հայտարարությունը հանդիսանում է «Գնումների մասին» ՀՀ օրենքի 5-րդ հոդվածի 1-ին մասի 4-րդ կետի «բ» ենթակետով նախատեսված գնման գործընթացի շրջանակում կեղծ տվյալի ներկայացում:

2. «Հայկական ատոմային էլեկտրակայան» ՓԲԸ-ի կողմից կազմակերպված «ՀԱԷԿ-ՊԸԱՇՁԲ-17/16» ծածկագրով գնման ընթացակարգի վերաբերյալ

«Հայկական ատոմային էլեկտրակայան» ՓԲԸ-ի կողմից կազմակերպված «ՀԱԷԿ-ՊԸԱՇՁԲ-17/16» ծածկագրով գնման ընթացակարգին (այսուհետ նաև՝ Ընթացակարգ 1) մասնակցելու նպատակով «Գախելիին» ՍՊԸ-ն **06.07.2016թ.** հայտ է ներկայացրել:

Ընկերությունը հայտի N 3.4 հավելվածով՝ Ընթացակարգին մասնակցելու նպատակով հրավերով սահմանված մասնակցության իրավունքի պահանջներին իր տվյալների համապատասխանության մասին հայտարարությամբ, հայտնել և հավաստել է, որ **հայտը ներկայացվելու նախորդող հաշվետու տարվա ընթացքում պարտավորությունների հաշվեկշռային արժեքը չի գերազանցում ակտիվների հաշվեկշռային արժեքը:**

«Հայկական ատոմային էլեկտրակայան» ՓԲԸ-ն, ՀՀ ֆինանսների նախարարությանը ուղղված ՀՀ կառավարության 10.02.2011թ. N 168-Ն որոշմամբ հաստատված «Գնումների գործընթացի կազմակերպման» կարգի 47-րդ կետի 1-ին

ենթակետով նախատեսված տվյալների ճշտման մասին 06.07.2016թ. կատարված հարցմամբ, խնդրել է տրամադրել տեղեկատվություն «Գախելի» ՍՊԸ-ի վերաբերյալ:

Ի պատասխան վերոհիշյալ հարցմանը՝ ՀՀ ֆինանսների նախարարության կողմից «Հայկական ատոմային էլեկտրակայան» ՓԲԸ-ին 07.07.2016թ. տրամադրվել է եզրակացություն, համաձայն որի հայտը ներկայացնելու նախորդող հաշվետու տարվա ընթացքում «Գախելի» ՍՊԸ-ի պարտավորությունների հաշվեկշռային արժեքը (321,819,133 ՀՀ դրամ) գերազանցում են ակտիվների հաշվեկշռային արժեքը (311,446,309 ՀՀ դրամ):

Այսպիսով, Խորհուրդը գտնում է, որ «Գախելի» ՍՊԸ-ի կողմից «Հայկական ատոմային էլեկտրակայան» ՓԲԸ-ի կողմից կազմակերպված «ՀԱԷԿ-ՊԸԱՇՁԲ-17/16» ծածկագրով գնման ընթացակարգի շրջանակներում 06.07.2016թ. հայտի N 3.4 հավելվածով ներկայացված հայտարարությունը հանդիսանում է «Գնումների մասին» ՀՀ օրենքի 5-րդ հոդվածի 1-ին մասի 4-րդ կետի «բ» ենթակետով նախատեսված գնման գործընթացի շրջանակում կեղծ տվյալի ներկայացում:

Անհրաժեշտ է նշել, որ Օրենքի 5-րդ հոդվածի 1-ին մասի 4-րդ կետով նախատեսված՝ գնումների գործընթացին մասնակցելու իրավունք չունեցող մասնակիցների ցուցակում մասնակցին ներառելու համար **պարտադիր և միաժամանակյա առկա հիմքերն են՝**

- նույն կետի «բ» ենթակետերով նախատեսված և մասնակցին վերագրվող խախտման առկայությունը,

- խախտումը թույլ տալու պահից մեկ տարվա ընթացքում մասնակցի կողմից մրցակցային գործընթացին մասնակցելու համար հայտ ներկայացրած լինելու հանգամանքը:

Հետևաբար, Օրենքի 5-րդ հոդվածի 1-ին մասի 4-րդ կետով նախատեսված՝ գնումների գործընթացին մասնակցելու իրավունք չունեցող մասնակիցների ցուցակում Ընկերությանը ներառելու համար անհրաժեշտ է, որ նույն կետով սահմանված և **Ընկերությանը վերագրվող խախտում թույլ տալու պահից մեկ տարվա ընթացքում անձը մասնակցած լինի գնման որևէ գործընթացին և ներկայացրած լինի հայտ**, քանի որ օրենքի նշված նորմի համաձայն՝ մասնակիցն ընդգրկվում է նշված ցուցակում,

եթե վերագրվող խախտումը կատարվել է հայտը ներկայացնելու պահին նախորդող տարվա ընթացքում:

Խորհուրդն արձանագրում է, որ «Գախելի» ՍՊԸ-ի վերաբերյալ միաժամանակ առկա են Օրենքի 5-րդ հոդվածի 1-ին մասի 4-րդ կետով նախատեսված՝ Ցուցակում ներառելու երկու հիմքերը, քանի որ Ընկերությունը **29.06.2016թ.** մասնակցելով «Բարձրավոլտ էլեկտրացանցեր» ՓԲԸ-ի կողմից կազմակերպված «ԲԷՑ-ՊԸԱՇՁԲ-15/23» ծածկագրով գնման ընթացակարգին, ներկայացրել է կեղծ տվյալ՝ թույլ տալով Օրենքի 5-րդ հոդվածի 1-ին մասի 4-րդ կետի «բ» ենթակետի խախտում, այնուհետև **06.07.2016թ.** կրկին հայտ է ներկայացրել «Հայկական ատոմային էլեկտրակայան» ՓԲԸ-ի կողմից կազմակերպված «ՀԱԷԿ-ՊԸԱՇՁԲ-17/16» ծածկագրով գնման ընթացակարգին, որի ընթացքում նույնպես թույլ է տվել Օրենքի 5-րդ հոդվածի 1-ին մասի 4-րդ կետի «բ» ենթակետի խախտում:

Կարգի 125-րդ կետի 1-ին ենթակետի համաձայն՝ Օրենքի 5-րդ հոդվածի 2-րդ մասով նախատեսված՝ գնումների բողոքարկման խորհրդի ընդունած որոշման հիման վրա մասնակիցը գնումների գործընթացին մասնակցելու իրավունք չունեցող մասնակիցների ցուցակում ընդգրկվում է՝ **6 ամիս ժամկետով**, եթե ավելի քան մեկ անգամ խախտել է պայմանագրով նախատեսված կամ գնման գործընթացի շրջանակում ստանձնած պարտավորությունը, որը հանգեցրել է պատվիրատուի կողմից պայմանագրի միակողմանի լուծմանը կամ գնման գործընթացին տվյալ մասնակցի հետագա մասնակցության դադարեցմանը, որի հետևանքով տուժանքի, հաշվարկված վնասի, տույժի կամ տուգանքի չափը չի գերազանցում գնումների բազային միավորը և մինչև բողոքարկման խորհրդի կողմից համապատասխան որոշում ընդունվելը՝ պատճառված վնասը, հաշվարկված տույժը կամ տուժանքը վերականգնվել է կամ, եթե Հայաստանի Հանրապետության պետական բյուջեի նկատմամբ **հայտը ներկայացնելու օրվա դրությամբ ունեցել է ժամկետանց հարկային պարտավորություններ** կամ որակավորման չափանիշների, իսկ ապրանքների գնման դեպքում՝ նաև տեխնիկական բնութագրերի գնահատման արդյունքում այդ որակավորման չափանիշները կամ տեխնիկական բնութագրերը որակվել են որպես մասնակցի կողմից ներկայացված հայտարարություններին չհամապատասխանող:

Ելնելով վերոգրյալից և ղեկավարվելով «Գնումների մասին» ՀՀ օրենքի 48-րդ հոդվածի 6-րդ մասի 7-րդ կետով՝ ՀՀ գնումների բողոքարկման խորհուրդը

Ո Ր Ո Շ Ե Ց


ՀՀ ֆինանսների նախարարության 22.07.2016թ. թիվ 1/73-3/18920-16 և 05.08.2016թ. թիվ 1/73-3/19819-16 գրություններով ներկայացված «Գախելշին» ՍՊԸ-ին (ՀՎՀՀ 08910143) ներառել գնումների գործընթացին մասնակցելու իրավունք չունեցող մասնակիցների ցուցակում՝ ՀՀ գնումների բողոքարկման խորհրդի որոշումը կայացվելու օրվանից հաշված 6 (վեց) ամիս ժամկետով:

ՀՀ գնումների բողոքարկման խորհրդի որոշումն իրավապարտադիր է:

ՀՀ գնումների բողոքարկման խորհրդի որոշումը կարող է բողոքարկվել դատական կարգով:

Բողոքը քննող հանձնաժողով՝

Անդամ՝



Հասմիկ Մնացականյան

Անդամ՝



Հարություն Մարտիրոսյան